


# DISSERTATIO MEDICA

*DE NATURA CAUSA FEBRIS EFFICIENTE.*

Propugnata Deo duce, & auspice Dei-  
parâ in Augustissimo Monspeliensi  
Apollinis fano, ab Authore PETRO-  
ARNALDO SALLES Martinicano apud  
Americanos, Artium Liberalium Magis-  
tro, jamdudum Medicinæ alumno,  
die secundâ mensis Martii anni 1759.

*Pro primâ Apollinari Laureâ consequendâ.*



MONSPELII,

Apud AUGUSTINUM-FRANCISCUM ROCHARD, Regis  
& Universitatis Medicinæ, Typographum  
unicum.


---

M. DCC. LIX.



Digitized by the Internet Archive  
in 2020 with funding from  
Wellcome Library






# DISSERTATIO.

## M E D I C A.

DE NATURA CAUSA FEBRIS EFFICIENTE.

---

1.  E B R I S , si phœnomena illius spectes reliquis morbis est notior, si constitutionem & causam, omnium ignotissima. *Bagl. cap. xiiij. pag. 139.*
2. Hinc ( prout fieri solet in rebus obscuris ) tot apud Medicos ortæ controversiæ, tot de causâ febris genuinâ prolatae fuerunt hypotheses ut omnes hîc annumerare supervacaneum omninò foret ac inutile; præcipuas his referendas seligemus, easque minùs vero consonas obiter refellemus.
3. Alii, dum vigeat Chemia, omnia phœnomena tum sanitatis, tum morbi acidorum & alkaliorum ope, se explicare posse superbientes, ex vi fermentationis & effervescentiæ causam febris efficientem deducere conati sunt, sed obsolevit jamdudum hæc opinio cum nec acida, nec alkalia saltem evoluta sanguini inesse millenis demonstratum fuerit experimentis, ita ut ulteriori argu-



mento ut e Scholis excutiatur non indigere censeamus.

4. Alii, ab obstructionibus vasorum minimorum febrim immediatè induci contendunt, quæ tamen opinio utpotè hodiernis temporibus omnium in Scholis receptissima, ideò scrupulosius paulò rationis trutinâ librandam esse ducimus, sed ne in immensum tædiosumque cresceret mea Dissertatio, hæc præcipua satis sit objicere.
5. 1°. Falsissimum est principium quo tota eorum innititur theoria scilicet, in vasis angustatis quibuscumque accelerari motum liquidi, cum apud omnes hydraulicos pro rato habeatur, velocitates fluidorum intrâ idem medium fluentium crescere tantummodò in ratione subduplicatâ potentiaë motoricis, ut satis demonstrant flumina obicibus coarctata (a).
6. 2°. Dato, non concesso, velocitates fluidorum intrâ vasa angustata multiplicari, numquam exinde sequeretur majorem sanguinis quantitatem per hæc vasa transmeari, ut pote cum velocitas tunc officiorum angustiam compensaret, proindeque eandem prorsus sanguinis quantitatem in cordis thalamos revehi intrâ datum tempus.
7. 3°. Si vasorum angustia esset causa velocitatis fluidorum quoniam ex axioma æternæ veritatis, causis proportionales sunt effectus, ex angustia infinitâ seu totali obturatione, ex necessitate subsequeretur infinita velocitas, quod repugnat.

(a) De Sauvages, Dissert. Acad. sur la cause de la Fièvre.



8. Præterea scimus ex Physices legibus corpus quiescens quodcumque alteri corpori motum impertiri nequaquam posse; porro ab obstructionibus vasorum minimorum motum sanguinis velociorem seu febrim proximè & immediatè repetunt adversarii.
9. Hæc satis dicta censemus ut perspectum habeatur quam parum hæc (no. 4) valeat, totaque postera Medicorum gens ab eâ brevi discedens tempore certiùs validiùsque multò exhibebit testimonium.
10. Sunt & quidam inter recentiores, & nominatim Stahlius, Sydenhamius, Nenter, Baglivus qui antiquorum opinionem Observatione, experientiaque stabilitam redivivam facere in votis habent, principiumque quoddam in nobis à primo conceptionis momento innatum, cui à supremo numine machinæ nostræ Committitur Provincia pro causâ febris primariâ & efficiente viriliter incusant.
11. Nos autem animo præjudicatis opinionibus non obcæcato sedulò hanc (no. 10) volvimus examine huicque tanquam minùs hypotheticæ, à vero proindè minuùs alienæ lubentiùs primâ frontes adstipulari censuimus, verùm ut quadam methodo prosequatur sermo, tria hic nobis perpendenda veniunt 1°. Quid hujus principii (no. 10) nomine sit intelligendum. 2°. An reverà existat, 3°. Causam febris primariam & efficientem id esse probabitur, hæc sigillatim pro tenuitate nostrâ totidem indagabimus Articulis.





ARTICULUS I<sup>us</sup>

*Quid hujus principii nomine sit intelligendum.*

1. **N**Ullum fermè apud Philosopho-Medicos extat vocabulum quod tam plures, & tam varias habeat significationes, quodque eo ipso tantâ obscuritate, & ambiguitate laboret, quam hujusce principii vox, veteres dixerunt illud naturam, item animam ut Aristoteles, Hypocrates calidum omniscitum, impetum faciens, Galenus calidum innatum, spiritum insitum, Scaliger sapientissimam vim plasticam, Helmontius Archæum, apud recentiores modo animæ, modo naturæ, principii motûs, vitæ, modo tandem irritabilitatis nomine gloriari solet.
2. Cum autem hæc vocabula omninò indifferentia sint, eademque prorsus significant, idcirco modò unum modò alterum pro cujusque genio adhibere fas est, sed ut voce generaliori rem designemus nomen *Naturæ* usurpabimus.
3. An natura pendeat ex mechanicâ quâdam corporis dispositione, organisatione, ità à supremo rerum conditore fabrefactâ, ut singularum partium functiones consonantiam quandam inter se servant, manusque auxiliatrices invicem sibi præbeant ad causam morbi debellandam uti contenderunt percelebres Viri (a) an verò sit facultas quæ-

[a] Fred. Hoffman, *Diss. de naturâ Morb. Medicatrice*, Boyl. tract. de naturâ.



dam animæ notitiâ quâdam intelligente instructa, morali quodam actu corporis actiones internas sanguinisque & humorum motiones certo tempore, certâ proportionem, mensurâ, ac gradu motûs dirigens & moderans, uti Sthelio placuit, multum apud Medicos controversatur.

15. Bella quidem & ingeniosa valde primâ opinio sed quam parum vero consona sit, quis non videt qui ad modum quo variæ in œconomiâ animali peraguntur functiones paululum seriò attenderit.
16. Vulgatissima apud eos viget motuum corporis humani divisio in voluntarios seu arbitrarios, in planè mechanicos seu automaticos, & tandem in mixtos, porrò nullam in humano corpore fieri motionem merè mechanicam id est solo partium mechanismo evincere non nobis arduum erit, neque difficile.
17. Si inter actiones mechanicas, sive, ut aiunt, automaticas recenseri mereantur quædam corporis humani functiones profectò ipsorummet adversariorum consensu, cordis motus qui nobis insciis sive velimus, sive nolimus indefinenter perennatur porrò quam singularem mechanicam in cordis organismo dispositionem recludunt ad hoc ut merè mechanicè perduret; omnes ad unum consentiunt Anatomici eandem omninò esse structuram Cordis ac cæterorum muscutorum quoad fibras ipsius compositionem ingredientem, fibris dumtaxat carneis diversi modè textuque robustiori inter se compactis constari quæ quidem fibræ elateris vi pollent, & causâ contractionis generali contractiles deprehenduntur, iisce notatis nemo



non videt cordis motum posito quod merè mechanicè fiat, ab iisce tantummodò viribus repetendum, cum solæ in hocce musculo reperiantur, ac proinde si probetur huiusmodi vires huic motui perennando impares esse, idealem prorsùs & fictitiam opinionem ipsis fatendum erit.

18. 1<sup>o</sup>. Ab elatere fibrarum cordis elici non potest motus cordis mechanicus seu automaticus. . . . in homine sano pulsus observatur æqualis eadem vi digitum explorantis ferit arteria, proindeque contractiones fieri æquali temporis intervallo à sese invicem distincto, æqualique virium momento sanguinem è ventriculis cordis per arterias appensas qualibet contractione propelli ex Physiologicis liquet, hinc fibræ cordis (admissa eorum hypothese) eadem omninò vi debent resilire quâcum ictæ fuere, nihilque omninò de motu communicato deperdere; verùm repetitis Neutonii experimentis evictum fuit corpora ea quæ summè elastica novimus, ut vitrum, ebur, lamellæ chalybeæ, nunquam eundem precisè gradum motûs referre quem acceperunt, ergo fibræ cordis quas iisce corporibus magis elasticas, nemo, opinor, pronuntiaverit, majorem adhuc de motu communicato portionem deperdere censendæ sunt, & hocce pacto post quasdam cordis contractiones, si solius elateris ratio habeatur, brevissimo temporis intervallo corde à motu cessante, sufflaminaretur vita.

19. 2<sup>o</sup>. Neque à solâ fibrarum contractibilitate pendere potest motus cordis mechanicus. . . . contractionem quamcumque in animali vivo influxu liquidi nervei in villos musculorum motrice totam



deberi apud philologos in confesso est , itaque cor utpotè musculus cujus structura nihil in se fert singulare uti jam innuimus (nº. 17) contractiones suas edere nequit quin tale applicetur liquidum nerveum , unde à vi quâ liquidum nerveum villos cordis motrices subit, vim cordis in sistole desumendam patet ex axioma hoc triissimo, *causis suis proportionales sunt effectus*. Jam vero nullo refragante physiologo quidquid motûs habet liquidum nerveum totum accipit à sanguine arteriis carotidibus & vertebralibus ad cerebrum devedto quæ solæ substantiam cerebri irrorant, proindèque ad summum eodem gradu motûs polleret liquidum nerveum in nervos cardiacos propulsum quo sanguis ille in arteriarum supra dictarum tractu protrusus (quod quidem gratis omninò datum censemus) verum demonstrante Keillio, quæcumque mechanica sit cordis dispositio, vis fluidi nervei in nervos cardiacos immissi est ad vim quâ sanguis in aortam truditur ut 1 ad 193600000, proindèque, cum major motus à longè minori produci nunquam possit, liquidum nerveum eâ quâ vi in nervos cardiacos propulsum vidimus, movendæ toti massæ sanguineæ prorsus impar censendum est, quod erat probandum.

2º. Objicient forsitàn aliqui, nonne maxima pondera à minimi motenti potentiis quotidie sublevari cernimus, positâ quâdam machinæ structurâ favente, sed advertant. 1º. A machinarum dispositione vires potentiarum motricium non multiplicari, cum res eodem prorsus modo se habeat ac in vecte, scilicet inter potentiam motricem & resis-



tentem 2<sup>o</sup>. Hanc mirabilem & singularem cordis structuram ab ipsis certò assignari nequaquam posse, nisi in ipsissimâ cordis structurâ statuantur vesicularum series quæ apparatus quemdam magnificum ibi componentes, in explicandis omnibus omninò cordis phænomenis commodissimè applicantur, ingeniosissimum quidem excogitatum, harum autem vesicularum existentiam imaginariam gratuitamque omninò asserere non dubitamus, tum quia hæc vesicularum series ferè innumera oculorum omnium sive nudorum sive microscopiis optimis armatorum aciem effugiat, tum quia in anatomia in mera imaginationis commenta quorum veritatem non demonstravit Cuiuslibet anatomicus principia superstruere, vel & etiam ex iis consequentias elicere, nefas omninò ducimus, utpotè cùm hypotheses magis ac magis tenebrôsâ nocte animos involvant, ex hisque nihil boni in medicinâ redundari posse consequens est.

21. Fusiori jam sermone subversâ mechanicorum (no. 14) opinione Sthalianis primo quasi intuitu inhærentes juxta ordinem propositum, quid naturæ nomine apud nos veniat intelligendum paucis nuuc determinare juvat.

22. Hominem constare ex animâ & corpore simul unitis, corpus esse merè passivum, iners, ad quietem, ad motum omninò indifferens, in animâ verò totam residere vim corporis motricem, solique animæ à supremo numine creatæ nobiliores competere hominis facultates, vix ac ne vix quidem christianæ fidei cultoribus dubitare licet.

23. Coroll. quoscumque motus in humano corpore



pore animæ imperio adscribendos, non verò materiæ (uti statuere voluit impia Epicurii cohors quæ semetipsam ingenii quâdam subtilitate illudere amat) ex allatis (22) patet manifestissimè.

4. Diversas esse animæ facultates quæ suo quæque modo tutelæ compagis humanæ consulant, nemo est qui inficiari debeat; sic voluntas à supremo creatore dono homini concessa fuit ad hoc ut imminens periculum sensibus perceptum, certo & determinato quasi ordine contractis variis muscularibus viteretur, fugiaturque, & bonum exoptatum obtineatur. ast si hostis interiora jam corporis aggrediatur, alia donata fuit facultas cujus ope anima irritata possit in eum insurgere, vincere, expellere, vel illius pravas qualitates immutando amicum humoribus facere, hæcque à medicinæ Romulo Hippocrate, ejusque affectis tam famosissimè decantata apud nos nomine naturæ indigitatur.

5. Porro quænam sit naturæ essentia? quo mechanismo vel quibus principiis efficaciter possit in corpus agere, latet, diuque latebit. Jam verò ut proposito faciamus satis, statuemus naturam esse facultatem animæ motricem, activam, morborum optimam medicatricem sanitatis tutricem & conservatricem ex Hipp. lib. Epid. 5<sup>o</sup>. cui à supremo conditore interior machinæ nostræ commissa fuit Provincia, eâ scilicet lege ut quotiès intromitterentur in corporis interiora partes quædam heterogeneæ morbum excitantes, totiès in actum duceretur ut totis viribus in eas insurgeret, earumque si fieri possit, quâcumque arte adhibitâ expul-



sionem faceret, sicque pristina æconomix animalis restitueretur salubritas. Hinc natura, in morbis potissimum acutis, dicitur luctam inire cum materie morificâ, hæc si vincat, subito tota obruitur machina, peritque homo, illa verò si triumphet evacuatione quadam salutari instituta à Medicis critica dicta, infensissimus hostis exterminationem machinæ moliens, turpiter quasi foras amandatur, salvusque fit homo.

## A R T I C U L U S IIus.

*An existat Natura?*

26. **M**irum sanè & dolendum pro salute generis humani quod ætate nostrâ variis opus sit argumentis ut existentia naturæ in profligandis morbis demonstraretur ipsismet clinicis quibus eam operantem mirari quotidie in praxi datum est. Tale autem vitium ex observationum penuriâ natales ducere extrâ dubium est. Antiquiores Medici, felicioresque, si unquam fuere, in arte curandi præctici Sydenhamius, Baglivus, Nenter, Sthalius, alique sexcenti observatione ducti, obtemperando naturæ totam Medici ponebant scientiam. Horum pervolvatis opera, diversis viis quas præ aliis seligere videtur natura, valdè attendendum esse quâlibet fermè paginâ reperietis Medicis commendare, ut exinde inductionibus therapeuticis deductis, variis auxiliis adhibitis, eam fovere, excitare, roborare si vi morbi debelletur, eamdemque si ferociat, reprimere, coarctare, satque coërcere possit



naturæ sedulus observator Medicus.

27. *Quo natura vergit*, ait divus Senex, *eò ducendum per loca convenientiora. Medicus*, inquit Baglivus, *naturæ minister ac interpretes quidquid meditetur, & faciat si naturæ non obtemperet, naturæ non imperat. In febribus præsertim acutis*, ait Sydenhamius *nisi ob ægrotantis errores nimis languescat, aut nimis ferociat humorum impetus, totum curationis opus providæ naturæ est commitendum. Non fingendum sed inveniendum quid natura faciat aut ferat. Verulam. Baco D. Thomas, ex activis animæ facultatibus unam imperantem & dirigentem, alteram exequentem distinguit. Cartesius ipsemet qui primus animam in corpus immediatè agere negavit, omnesque corporis motus ex mechanicis legibus deducere voluit sic scribit ad D. Princip. Elizabeth omnibus medicamentis ea antepone quæ petantur ex animâ, cujus in corpus haud dubiè summa vis est ac potentia, quod magnæ corporis ab irâ, metu mutationes demonstrant, evolve Ballonium, versate Duretum, omnes idem ebuccinant.*

8 Longè tamen alienus sum ab antiquorum opinione, quorumdamque practitorum Parisiensium qui è vestigio Hippocratis præceptum Aph. 22 S. I. adhuc dum sequentes ad septimum usque morbi diem otiosi naturæ spectatores ad corporis purificationem expectant, donec, inquiunt, viribus naturæ subacta, coctaque fuerit materies morbifica, ego, si quid hic judicare valeam, lubentiùs autor essem experienciâ quotidianâ duce, ut remediis prudenter adhibitis toto morbi decursu adjuvaretur natura, potissimùm verò in principio quia sci-



licet materies morbigica tunc maximè cruda , idè-  
 què intensiori vi pollens contra naturam, ociùs ex  
 parte saltem evacuanda , ut deinceps natura effi-  
 caciùs multò pòssit in eam insurgere , coquere ,  
 eam vel humoribus assimilare , vel quibuscumque  
 viis evacuare.

29. Eò tamen loci obiter notandum venit diebus  
 criticis fortiorique ratione si criseos brevi futuræ  
 instent signa apud ssemeioticos memorata , me-  
 dicum quandoque otiosum stare debere si quò ver-  
 gat natura , ut ipsi obtemperet nundum certus  
 evaserit , potissimum si adhucdum viribus polleat  
 natura, certa que quasi exinde præsagiat victoria,  
 ne remedio intempestivè dato pretiosum opus na-  
 turæ interturbetur , infinitaque mala morsque  
 haud rarò ex tali errore subsequantur.

30. Declinante autumno adolescentem quemdam  
 Peripneumoniâ insitâ Febri putridæ correptum  
 vidi , cui Medicus sanguinis non parcus , venam  
 quatuordecies secari iussit ad hoc ut mitesceret  
 pulmonum inflammatio , intereà tamen corpus  
 purgandi urgebat indicatio , lingua crustâ quâ-  
 dam nigrescente obvolvebatur , Medicus in cu-  
 randâ peripneumoniâ totus addictus, saburræque  
 in primarum viarum tractu nidulantis parâm sol-  
 licitus, ne minimam quidem catharsim promovere  
 operæ partium duxit , donec tandem sedatis om-  
 nibus omninò Peripneumonix symptomatis , per-  
 sistente purgandi indicatione , portionem cathar-  
 ticam & quidem satè validam ægrotanti præscrip-  
 sit , quâ bis terve repetitâ criseos proximæ appa-  
 ruerunt signa evidentia , remittebantur sympto-



mata, pulsus antea depressus, correptus, parum intermittens, mollis, æqualis à pulsu ab illustrissimo Bordeu (a) pectorali critico, seu gallicè *Rebondissant* dicto non penitus absimilis deprehendebatur, sputa jam expuebat æger copioso quidem flatu rivo, triumphantisque naturæ omnia manifestabant indicia, dum juvenis Medicus crisis, ex observationum penuriâ non credens, medicamentum purgans seu potius venenatum adhibuit, quo vix ingesto tota de repente subversa fuit crisis, ex toto evanuerunt sputa de novo recrudescunt symptomata, accenditur febris, pulsus durus, depressus, convulsivus, *suppuratorius* evasit, mortemque quasi in procinctu esse visum fuit, interea tamen ad certum tempus omissis cathartici, Look, Prifannisque bechicis inusum advocatis inscius naturæ consulens Medicus, remissis symptomatis, pulsus æqualis mollis, pectoralis criticus, adhuc dum explorabatur, faustoque naturæ conatu jam erumpebant sputa dum, ut tragediam solveret Medicus empirismo potius quam verâ observationum medicinâ edoctus, purgans aliud medicamentum inconsideratim præscripsit, ex quo horrenda suborta fuerunt symptomata, uti membrorum convulsiones, Carpalgia tandemque mors subsequuta fuit.

31. Virum quadragenarium temperamento fervido præditum, duris laboribus exercitatum, paucis abhinc mensibus invisebat Doctor Medicus mihi amicitia conjunctissimus, tertium jam febris acutissimæ diem agebat, nauseis vomitibusque disrutia-

(a) *Recherches sur les Pouls par rapport aux Crises.*



batur, siti intensâ pressus, calore vivido deurebatur, torquebat vividissimus capitis dolor, pulsus admodum velox, plenus, magnus, capitalis, effrænem humorum cursum, horumque ad caput præcipuè determinatum impetum indigitabat, iteratis venæ sectionibus, bisque repetitâ primarum viarum purgatione ano & kato, diæta leviori, eâque refrigeranti & demulcenti institutâ retundebatur die 7<sup>o</sup>, symptomatum ferocia, remiserat febris, at dira perstabat cephalalgia, rubebant oculi, involuntariè stillantibus lacrymis madebant, pulsus semper capitalis erat, simulque dicrotus, quæ quidem pulsûs conditio juxta inconcussas Solano, & Bordeu observationes, naturæ laborem proximam narium hemorrhagiam molientis designabat, hanc morbi solutionem prædixerat non satis laudandus observator amicus, sollicitus, otiosusque expectaverat, die 9<sup>o</sup>. Suborta est spontè larga narium hemorrhagia, plures jam sanguinis unciae stillaverant, præsens aderat fortuito ac miserrimo casu unus ex imperito Chirurgorum grege qui de more inconsultus extrâ crepidam exurgens pulvere quodam stiptico nimis largam, ut opinabatur, hemorrhagiam compescuit, illicò autem suppressâ salutari & decretoriâ evacuatione miser ægrotans phreniticus evasit, brevi-que temporis spatio frustra applicatis hirudinibus, institutisque venæ sectionibus è vitâ discessit.

32. Habemus nunc, quantum in nos penes fuit, tum Patrum Medicinæ auctoritate, tum & observationibus satis demonstratam, ni fallor, existentiam naturæ Morborum Medicatricis, quid ipsa-



- met in sanitate tuendâ conferat, quædam exempla ex statu sano deprompta invictè demonstrabunt.
33. Vitam maximè sanam, indefinitèque longam sensu quodam interno tacitoque exoptare animam nemo est qui in semetipso quolibet momento non experiatur.
34. Ergo si causæ vel morales, vel physicæ his desideriiis adversentur, non mirum ex principiis jam stabilitis, si natura per sensus commune facta omnes corporis machinas accomodet, variosque & singulares mechanismos exerat prò diversis circumstantiis eo fine vel ut malum quatenus malum fugiatur, bonumque quatenus bonum assequatur, vel ut corpus Physicum, heterogenum, ipsique inimicum secernatur, ideòque tuta diuturna que servetur sanitas.
35. Sic in sternutationis opere nobis insciis imò & quandoque invitis varii exeruntur motus ad everrendum corpus acre, Tabacum v. g. molestans membranam pituitariam, plus solito in omnem sensum ampliatur thorax, ad hoc ut aër inter expirandum copiosius pulmones irruat, ex iisque dein pari proportionem contractis fortiter musculis expiratoriis majori vi & impetu propulsus corporis lædentis certius efficaciusque multò expulsionem facere possit, sed necessum erat ut omnis via aëri per os egressuro præpediretur, quia scilicet forsitan vis & quantitas aeris per nares naturaliter transmeaturi non satis energica forent ad finem determinatum assequendum, ideòque imperante naturâ, linguæ velum palatinum applicatur, ita ut tota aëris quantitas quâ data portâ per nares de-



flextere cogatur, ibique everrendo id omne à quo molestabatur membrana pituitaria; finem naturæ determinatum assequi.

36. Post somnum, si torpeat in artubus sanguis, natura ne hæreat, inflammationesque exinde subsecuturas metuens, alternis, concinnatisque vicibus varios contrahit musculos, ut vigor, fluxilitasque nativa sanguini concilietur, hominemque tunc pandiculari dicunt.

37. Quid demum! in partûs negotio solo naturæ jussu contrahuntur validè muscoli abdominales, major fit inspiratio, complanatur diaphragma, iteratâ horum pressione, multiplicique fibrarum uteri contractione blandè undequaque premitur uterus, foetus solâ ductus naturâ auras vitales subire impatiens, quantum in se penes est fortiter, pedibus fundum uteri pulsât, sicque paulatim os uteri & vaginæ dilatat, viamque faciliorem sibi metipsi è carcere tandem egressuro cudit.

38. Animadvertendum tamen quod positâ eâdem causâ physicâ ad agendum naturam promovente diversa prorsus à naturâ excitari phænomena.

1°. Pro qualitate materiæ morbificæ. 2°. Pro partis affectæ nobilitate. 3°. Tandem pro diversa ejusdem partis structurâ, enim verò partes quæcumque corporis non pari jure donatæ sunt ad exterminationem materiæ morbificæ, sic si materies morbifica in ventriculo dilitescat, facillimo negotio debilissimoque naturæ conatu per vomitum seu secessum evacuari posse deprehenditur; ast si eadem in ipsissimâ renum substantia lateat, ut potè cum difficilis admodum egressui sit locus, horrendos, miroque



mirosque conatus à natura tunc excitandos esse de  
facili elicere omninò consequens est, idem dictum  
esto de corde læso, cerebro læso aliisque plurimis  
visceribus principibus in quibus facilis non patet  
aditus.

## ARTICULUS III<sup>us</sup>.

### *Natura causa febris efficiens.*

39. **I**N omni febre motum sanguinis intendi satis  
constans docet observatia, unde liquidò  
patefit causam febris efficientem eam esse quæ  
primariò conditionem hanc in sanguine pro-  
creare, excitareque valebit.

40. Verùm ex viribus cordis adauctis æstimandum  
venire motum sanguinis velociorem ipsis tyronibus  
notum est, ergò cum effectus sit semper in ratione  
directâ causæ moventis, liquet manifestissimè  
motum sanguinis omninò sequi rationem cordis  
motoris.

41. Nullum in humanâ machinâ exeri motum solo  
organismo, solâque mechanicâ partium disposi-  
tione, jam satis fuse probauibus (no. 18, 19) porrò  
cum nullus concipi possit motus sine motore,  
spontè quasi fluit soli animæ varios adscribendos  
esse in humano corpore motus, *principium &*  
*causa effectiva motuum est anima*, inquit Borellus,  
*cum animantia per animam vivant, & durante*  
*vitâ motus in eis perseveret, extincto verò ani-*  
*mali, id est non amplius animâ operante, machinæ*



animalis omnino iners, & immobilis relinquitur (a).

42. Quantum sit animæ imperium in cordis motus luculentissime commonstrant diversa animi pathemata, ad aspectum boni cujusdam sensibilis sive præsentis, sive futuri, tota anima hæret quasi attonita, natura in eo tantum versa ut bonum illud oblatum sibi conciliet, sibi que, ut ita loquar, uniatur, juxta impressionum diversitatem modo validiores, & sæpius repetitas contractiones edet, exindeque diversa subscaturiunt phænomena, ut calor totius corporis adauctus, nitor faciei, splendor oculi, modò ab ideâ perceptâ mali seu præsentis, seu futuri, tota in mediis quibus profligari possit inquirendis natura detinetur, inde horrescunt totius corporis musculi, languidiores fiunt cordis contractiones, arteriarum pulsus imminuitur, pallor vultus, &c.
43. Diversas statuimus animæ facultates quarum cuique singularis & propria ab ente supremo cura mandata fuit, ut omnes suo modo ad sanitatem compagis humanæ concurrerent, verum motus cordis reprimere, accelerare solius est naturæ immediatiùs ad corporis interiora prospicientis, uti jam superiùs vidimus, (no. 25) hinc cum febris materiale totum in sanguinis circuitu apud Authores ponendum veniat, soli naturæ febrim primariò adscribendam esse censemus.
44. Naturæ agentis, in morbis potissimum acutis semper finis & scopus est, ut materies hæterogenæ



morbū excitantes, oceano sanguinis intermixtæ  
 fecernantur ab humorū massâ ad salutem agro-  
 tantis; nullum autem efficacius, promptius ideò-  
 que frequentius in morbis curandis occurrit re-  
 medium quam febris; sanguis etenim febre at-  
 tenuatur, coquitur, vel ex toto accessuum pro-  
 gressu, nostris assimilantur humoribus materies  
 morbificæ, vel saltem earum vis exterminans do-  
 matur, refrænaturque, humores impetuosius per  
 vasa propulsi ad varia colatoria devehuntur,  
 ibique pars quædam materiæ morbificæ deponi-  
 tur, secernitur, tandemque foras amandatur, suf-  
 fragante experientiâ quotidianâ quâ constat fe-  
 brientes post paroxysmum aliquas semper pati eva-  
 cuationes, uti sudores copiosos, urinam multam,  
 diarrheas, hemorrhagias narium, quæ quidem  
 omnia tanquam effectus naturæ habenda sunt;  
 unde Avicenna febrim medicinam corporis ap-  
 pellare non dubitavit.

45. Hinc facillimo negotio eruitur duplici sub res-  
 pectu Febrim considerari posse, vel quatenus est sa-  
 lutare conamen naturæ materiæ morbificæ exter-  
 minationem molientis, vel quatenus conditione  
 quâdam morbosâ afficit sanguinem, si 1<sup>um</sup>. morbi  
 nomine febrim nuncupare absolum foret, quid-  
 quid enim est contra morbum, morbus non est,  
 si 2<sup>um</sup>. febrim tanquam morbum spectari posse  
 non diffitemur, utpotè cum præternaturalem  
 conditionem inducit in corpore, proindèque jam  
 de facili intelliges id quod quibusdam paradoxum  
 videtur, scilicet febrim uno, eodemque tempore  
 morbum esse, & non esse,



46. Cum autem nulla sit febris, humoralis saltem quin sanguis materie quâdam peregrinâ, non vi-tietur, omni ope atque operâ attendat medicus, ut hæc quantocyûs ex corporis penetralibus viâ commodiori à naturâ præscriptâ evacuetur, præ-missâ tamen unâ aut alterâ venæ sectione ut refræ-netur vis naturæ ut plurimûm in principio majori cum impetu insurgentis contra morbum, sed nec ultrâ nisi adhucdum ferociat humorum impetus, testibus felicissimis in arte practicâ Viris, Sydin-hamio, Baglivo in quorum verba sicuti totidem oracula jurare non desinam, omnis etenim venæ sectio è directò quasi vim vitæ impugnat des-truit, potissimum in statu, vel declinatione morbi, ubi jam franguntur vires naturæ, enim verò si id casu infelici contigerit, vel ægrum jugulabis, vel difficillimè, vel quandoque numquam pristinæ sa-nitati restitues. Venam secare quasi nefas habetur apud Germanos qui tamen ad provectissimam ætatem athleticâ fruuntur sanitate.

47. Mirabuntur forsitan quidam quod natura quam jam interlectualem declaravimus, adeò in curandis morbis intellectu carere ut sin à prudenti Medico regeretur, in ipsissimâ œconomiâ animali strages ederet ipsomet morbo debellando quandoque in-tensiores multò, quid ergo? ex ideâ perceptâ entis cujusdam rationalis, non video infaillibilitatis ideam exinde necessariâ consequentiâ subsequi de-quere, homo etenim licet rationalis fallit, fallitur-que, bonumque appetens, malum efficit.

Video meliora proboque  
Deteriora sequor.




48. Ex prægressis in promptu est, ni fallor colligere febrim, moderatam dico, semper ad ægrotantis salutem vertere proindeque hanc à Medico rationali dogmatico nec curari nec sisti debere.
49. Ut autem hujus asserti veritas patefiat, quasdam observationes prodire ad febrim medicatricem ulterius confirmandam non abs re esse ducimus.
50. Refert D. Raymond (a) Medicus Massiliensis, vir in praxi medicâ exercitatissimus, Adolescentem quendam viginti octo aut circiter annos natum quem insultus epileptici frequentissimè adoriebantur, ab iis penitus immunem evadere, dùm certò quodam tempore determinato, vel febre continuâ corripiebatur, vel copiosior superveniebat hæmorrhoidum fluxus, quæ si semel abfuerint, de novo excandescere horrenda hujusce morbi symptomatum caterva, crudeliùsque miser torquebatur. Quod equidem jamdudùm notum fecerat Hipp. Aphor. 57 S. IV. *Febris solvit tetanos, melancholiam, salvum diù facit quartana.*
51. Mulier quædam nobilis obstructions in variis visceribus, præprimis in utero gerebat, quibus gravis adeò supervenerat leuchophlegmatia, ut femora maximè, potissimum distenta ferè creparent, dùm ad huncce statum devenerat seri extravasatio, apparebant quolibet vesperè quædam febris motitationes, per leve frigus incipientes, cui calor blandus per totam noctem duraturus succedebat, huicce feбри mox comes adjungeba-

(a) *Traité des Maladies qu'il est dangereux de guérir sur la fièvre en général, article 11. tom. second.*



etur serofus alvi fluxus, dum autem hæc aderant, sensim evacuato serò detumescebant partes, ex toto fermè evanescebat leucophlegmatia, tunc verò absoluto opere intermittebat febris, alvus constipabatur, sed pari passu redibat cachecticus corporis habitus, denuòque invadente febre, subortâ diarheâ fugabatur, per duos circiter annos hæc modo leucophlegmatix modo febris intermissiones experta, tandem irrevocabili fato succubuit.



## ARGUMENTABUNTUR

R. R. D. D. PROFESSORES REGII.

R. D. JOANNES-FRANCISCUS CHICOYNEAU,  
*Cancellarius Judex.*

R. D. ANTONIUS MAGNOL, *Decanus.*

R. D. HENRICUS HAGUENOT.

R. D. ANTONIUS FIZES.

R. D. FRANCISCUS DE SAUVAGES.

R. D. FRANCISCUS DE LAMURE.

R. D. FRANCISCUS IMBERT.







